

M. PAULI JUUSTEN,  
EPISC. QUONDAM AB.  
**CHRONICON EPISCOPORUM  
FINLANDENSIVM,  
ANNOTATIONIBUS ET SYLLOGE MONU-  
MENTORUM ILLUSTRATUM.**

---

CUJUS  
PARTICULAM XIV,  
CONS. FAC. PHILOS. R. ACAD. ABOËNSIS,  
PRÆSIDE  
**M. HENRICO GABRIELE  
PORTHAN,**

ELOQ. PROFESSORE REG. ET ORD. R. ACAD. LIT. HUMAN.  
HIST. ET ANTIQUIT. MEMBRO,

*Publicæ bonorum censuræ submittit*  
**ABRAHAMUS SEVON,**

*Astro-Fennus, Alumnus Reg.*

In AUDITORIO MAJORI die Febr.  
A. MDCCCLXXXIX,

*Horis ante meridiem consuetis.*

---

**ABOÆ, Typis FRENCKELLIANIS.**

Välådlä

Fru ULRICA SEVON,

Född LINDEBERG,

Min Huldesta Moder.

Den ömma vård, bvarmed Min Huldesta Moder omfattat min barndom, den buldbet mine ungdoms är åtnjutit, och den osparda kostnad som på min undervisning och förkofran, efter en buld Faders tidiga bårtgång, af min Huldesta Moder blifvit använd; åro välgärningar, vid hvilkas åtanka mit bjerta aldrig kan upphöra at af den lifligaste vördnad upeldas. Denna känsla, icke nögd at i tyftbet styra mit tanckesätt, skydar sig at ock offenteligen, eburu ofullkomligt, i dessa rader sig yttra: bvilcka Min Huldesta Moder täckes anse, såsom et vedermåle af den barnsliga vördnad, bvarmed jag, under anropande af den Högs-tes Nådiga skydd öfver Min Huldesta Moders annalckande ålderdom, ocb Hans milda välsignelse, intil mit yttersta frambårdar at vara

Min Huldesta Moders

Ödmjuk-lydigste son

ABRAH. SEVON.

## T H E S. I.

Quia voluntas hominis, nisi intellectus suus antea necessario instructus fuerit cognitionis lumine, corrigi nequit; neque cupiditates hominis animique perturbationes feliciter dirigunt ab illis possunt, qui homines docere eorumque noxias opiniones averruncare instituunt, nisi sanam hi sibi mentis humanae cognitionem, diligenti adhibito Psychologiæ studio, comparaverint.

## T H E S. II.

Eos itaque, qui in docenda virtute commendandaque verantur, utile sane consilium inire, si quæ de natura affectuum illorumque five excitandorum five reprimendorum facultate, a præclaris Artis Rhetoricæ doctoribus traduntur, studiole consulant, arbitramur.

## T H E S. III.

Quocunque, ut in animos mortalium vim insignem exerceat, optamus; id ut *præsens* illi sistendum est.

## T H E S. IV.

Ex illis, quibus puerorum ratio in primis feliciter excolitur adminiculis, Historiæ studium, utpote & captui puerili accommodatissimum, & per se fructuolum, vehementer commendandum esse judicamus.

## T H E S. V.

Qui memoriæ exercendæ rationem ac diligentiam, minus necessariam judicant, sententiam fovent veræ experientiæ contrariam; nec eos diligenter naturæ humanæ conditionem considerasse, palam est.

## T H E S. VI.

Antiquissimos terræ incolas, res sibi repræsentandi morem adhibuisse quodammodo puerilem, in veterum monumen-

mentis versatum fugere potest neminem. Quare sensualem & allegoricam in primis iis placuisse docendi methodum, mirum videri nequit.

### T H E S. VII.

Auctores veteres recte explicaturo, præter doctrinæ opes & ingenii acumen, gustu etiam, quem vocamus, mentis opus est; quo carens saepe in falsas interpretandi vias ingreditur.

### T H E S. VIII.

Etiamsi res ab Oratore venuste vivideque proponendæ sunt; in veritatem tamen earum explanandam in primis sollicitate semper incumbere simul debet, atque diligenter cavere, ne nimio & intempestivo ornatu, eas folide intelligendi atque efficaciter sentiendi vim opprimat

### T H E S. IX.

Non male temperantiam dixeris voluptatis custodem.



Papæ Nicolai IV, ad Abbatem Monasterii de Saba, Cisterc.  
Priorum Prædicatorum de Sictunia, ac Guardianum Minorum  
Uppsalen. Fratrum, Ordinum, qua iis negotium exa-  
minandæ postulationis hujus commisit, data apud Urbem  
Veterem octavo Id. Julii anno (Pontif.) tertio (d. 8 Julii  
1290). Anno autem 1291, in itinere ad Papam suscepto,  
Prouini in Gallia mortuum fuisse, communi traditur  
consensu.

Brevi tempore quo Fennicæ præfuit Ecclesiæ, quid  
ei boni præstiterit, penitus ignoramus.

(h h) Numerorum notas hoc loco editas (1268),  
mendosas esse, ex anno Archiepiscopi hujus emortuali  
nuper indicato, atque ab omnibus veteribus concorditer  
prodito auctoribus, liquet; quas neque a JUUSTENO nostro  
esse profectas, utpote quæ ab optimis absunt Codicibus,  
supra (p. 14, not. 17), significavimus. Neque annum  
vel adventus, vel abitus, vel mortis suæ, Fragm. Palm-  
skoldianum commemorat.

D d

MAG.

---

dilectos filios Carum (legi *Carolum*, sc. *Erlandi filium*, jubet Cel. NOR-  
DIN) & Eruastum Ecclesie Uppsaliensis predice Canonicos, ad nos propter  
hoc specialiter destinatos, decretum postulationis hujusmodi pre-  
sentarunt -- Quocirca discretioni vestre per apostolica scripta man-  
damus, quatenus habentes pro oculis solum Deum, si eundem Episco-  
pum, diligenter examinatione per vos facta, de ipso, vita, moribus, honestate,  
scientia & aliis virtutum meritis inveneritis esse ydoneum atque dignum  
ad supplicationem Archiepiscopalnis oneris, auctoritate apostolica postula-  
tionem admittentes eandem, ipsumque a vinculo, quo Aboens tenetur Eccle-  
sie absolventes, sibi transeundi ad prediciam Uppalensem Ecclesiam licen-  
tiati tribuatis &c. Memorabile est, hujusmodi negotii judicium a Pa-  
pa Monachorum maxime Præfectis, quibus sc. fidem in primis habuit,  
fuisse commissum. Approbatum ab illis Johannem nostrum fuisse, eve-  
tus docet.

## M A G N U S , I.

(ii) Ab hujus *Magni ætate*, paullo uberior lux rebus adfulgere patriæ nostræ incipit. Ac primum sedem Episcopalem, ejus opera, a. demum 1300 ex Råndåmäki ad locum ubi nunc est urbs Aboënsis sita, fuisse translatam, constanti majorum, qui scire poterant, traditioni est credendum. ORNHJÄLMII dubia supra jam, p. 184 sustulimus. Definire tamen haud audemus, an indicato nuper anno ædificatio Templi Cathedralis demum ita perfecta fuerit, ut cultui Divino celebrando consecrari posset? quod aliquanto maturius esse factum, credas. Indulgentiæ certe Papales annis jam 1292 & 1296 illis concesæ, qui festis quibusdam diebus visitaturi esent Katedram Ecclesiam beate Marie Aboensem (72), sive Ecclesiam Aboensem in bonorem beate Marie virginis & sancti Henrici Episcopi & Martiris fundatam, honorifice constructam, (73) dubitare non finunt, quin jam tum ibi sacra fierent quod eo certius videtur, quum inter festa quibus frequentari novum Templum Pontifices vellent, etiam testitatem dedicationis ipsius Ecclesie numerarent. Cfr. supra p. 184.

Nova Bulla aut licentia Papæ Bonificacii VIII, ad translationem Cathedræ Iuxæ perficiendam, Episcopum nostrum opus habuisse, vix credas (cfr. supra p. 174, not. (41)); qualis neque in *Registro Aboënsi* reperitur, nec punto, visa a quoquam est? MESSÉNIUS, nostrum secutus aucto-

---

(72) Ita vocatur in Bulla Papæ Nicolai IV, Dat. Romæ apud sanctam Mariam Majorem, Non. Februarii, Pontificatus anno Quarto (5 Febr. 1262), reperiunda in *Reg. Aboënsi* Fol. 65; cfr. A CELSE p. 96, n. 12. Aboënsis nomen adjectum, Templum a S. Mariæ Råndamäkiensi illo diversum significare videtur.

ctorem, ejus meminit, sed ut conjecturam facile agnoscas, Sc. T. II p. 74: cfr. a CELSE p. 100, n. 16. *Frag. mentum Palmeskoldianum nihil tale habet; ubi de Episcopo nostro non nisi haec leguntur verba: Magnus, primus Finno, Mertiala in Rusko natus. Hic ecclesiam cathedralem de Rånbåmäki ad Abo transtulit anno MCCC:o, & ibi primus sepelitur, qui obiit anno -- (numerorum notæ desunt).*

*Canonice electum nostrum Magnum, ac prius Canonicum fuisse Aboensem, JUUSTENUS narrat. RHYZELIUS autem, (l. c. p. 330), qui patris quoque nomen prodit, atque inde Thunson nostrum appellat, non modo studiis operam dedisse (quod conjicere facile licuit), sed etiam extereras visitasse terras, & per aliquot annos Upsiloniensis Ecclesiæ fuisse tradit Canonicum, antequam die 25 Januarii a. 1291, ab uno tantum Canonico (Aboensi), cui nomen Johannes, in Episcopum eligeretur, a Papa deinde Bonifacio VIII confirmatus: qui unde haec omnia eruerit? expiscari hactenus non potuimus. Fontes enim suos (quos parum accurate solet examinare), pessimo more nunquam aperit. Nobisque, fatemur, suspecta haec videntur; neque contra Chronicæ nostri auctoritatem, iis fidem, donec argumenta atque testimonia, quibus superstructa sint, nobis innoverint eaque probabilia esse deprehenderimus, tribuere possumus. Inter Canonicos quidem Upsilonenses, quorum indicem nobis Vetus Chronicon SCHEFFERO atque BENZELIO (Monum. Sveog. p. 45 sqq) editum MAGNI nostri nomen haud comparet. Bonifacius VIII, anno demum 1294 in Decembri Papa factus est; ita ut parum verisimile videatur, Episcopum initio jam anni 1291 electum, ab eo demum confirmatum fuisse? SPEGELIUS quidem, in vita hujus Episcopi (ab Auctore nostro temere*

in quibusdam ille quoque recēdens), narrat eum ex *Canonicatis Upsaliensi ad Praeposituram fuisse Aboensem translatum*, ac deinde hic Episcopum factum (73); sed reliqua a RHYZELIO commemorata ignorat. *Praepositus autem esse Aboensis* eo minus potuit, quo certius est, hanc dignitatem multo serius, ab Episcopo demum *Hemmingo*, ut infra docebatur, fuisse in hac Ecclesia institutam. Fontem autem horum assertorum, cum indagare valuerimus, plenius, credimus, rem explicare dabitur.

De MAGNI nostri gestis plura apud MESSENIUM occurrere, quam quæ JUUSTENO memorantur, reperimus (74); sed quæ fide digna sint, partim ex supra dictis liques,

(73) Vid. EJUSD. *Kyrko-Hist.* (s. Chrom. Episcopos.) p. II p. 389 sq. Verba ejus sunt: "Magnus född i Finland uti en by kallad Merchela, al. Råsö, kom ifrån Uppsala Canonicat til at vara Prost i Åbo, och sedan wardt han, genom Påfvens Bonifacii then 8:des tillätselse, Bisshop therfamnastades, flottades då man stref anno 1300 Bislopsätet ifrån Rendamechi til Åbo, al. 1289, ther han sedan blef begravven i then nybygda Domkyrkan; men platsen, på hvilken samma kyrka står, kallas fordom *Unicangare*". Quod de loci nomine addit, (quem a Fennis tumulun jomui appellatum innuit), id alii etiam, veteris fide traditionis narrant. Nisi igitur postea id nomen ortum fuit, antea jam sepulturæ locum fuisse, atque hinc quasi dormitorium mortuorum nuncupatum, credas?

(74) Scord. T. X p. 13. Unde transcribenda indicamus: *MCCXCIX Bonifacius VIII Beatum Henricum rationario inscripti sancrorum.* (Hoc nonnisi dubitanter T. II p. 74 assere ausus est). Idem approbat, ut *Cathedra Finlandie Episcopalis a Rendamechii transserretur Abogiam.* *MCCC Magnus Finlandie Præsul*, ope Bürgeri Regis, cum *Cathedra migrat Rendamechio Abogiam.* Quo exuvie S. Henrici deinceps, (non audet certum annum prodere?) *XVIII Junii*, a Nousio, solemniter fuerunt translator, & argenteo impositæ decenter loculo. *Urbis fundamenta jacintur Abogenis;* sed Ecclesia prius *Cathedralis*. Diu ante hunc annum jaēta Templo fundamenta fuisse, sa-

quet, partim res ipsa ostendit. Idem tamen, quod in *Chronico Finl. Rhythmico* (75), *Domum* quidem *Episcopalem* aliasque ædes *Magnum* coridisse afferit, sed *Cau-  
bium* *Dominicanorum* non ab eo, sed ab alio fuisse ædifica-  
tum contendit, *Episcopo nostro debitam eripiisse laudem*,  
videri queat: siquidem fidem meretur catalogus *Conven-  
tuu[m] (i. Monasteriorum)* hujus Ordinis, ad *Provinciam  
Dæcie, Daniam Sveciam & Norwegiam complexam*, *A. iam  
MCCCHI* pertinuentium quem, ex JAC. ECHARDI *Scriptor.  
Ord. Prædicator.* p. XII adfert LAGERBRING (I, c. p. 803,  
not. (7)); inter quos nempe *Finlandensis* quoque recen-  
setur. Non est autem probabile, alio *Finlandiae* loco  
prius, quam prope Ecclesiam Cathedralem, *Fratres* hosce  
sedem fixisse. Quin ex Testamento Equitis *Magni*, *Jo-  
hannis Filii*, anno 1293, die 1 Augusti scripto, cuius ad-  
huc supersit exemplum, jam tum hic Aboæ ejus Ordini  
exstitisse cœnobium, demonstrat RHYZELIUS (76). Nec  
abhorret a vero, Episcopi nostri antecessorem *Johannem*,  
virum hujus familie præcipuum, de colonia *Dominica-  
norum* ad Diœcesin suam deducenda consilium iam ce-  
pisse; successoris demum sui tempore fortassis perfecum?  
Mirum autem videri queat, nec a *JUSTENO* nostro, nec

D d 3

ab

---

eile patet. Hæc eadem latius deducit in *Chronico Finl. Rhythmico* p. 24 sq. Multa ex ingenio & conjectura scripsisse, certis monumentis  
destitutum, liquet. Verisimile tamen est, non diu post Ecclesiam Ca-  
thedralem consecratam, exuvias b. Henrici illuc fuisse translatas, præ-  
cipuum loco sanctitatem collaturas.

(75) P. 25: *Doch det Swartmunka Klostret han  
Där ej bygde, men en annan.*

(76) *Monasteriol.* p. 290, ubi legitur: *År 1293 d. 1 Augusti,  
hafver Riddaren Herr Magnus Johansson testamenterat til Prediko-Brö-  
derna i Åbo, 9 mark penningar.*

ab auctorum aliquo qui temporum illorum res tetigerit, initium ejus Monasterii prodi; cuius tamen generis even-  
tus memoria in primis dignos fuisse habitos, satis constat.

Urbis Aboënsis incrementa ab hujus ætate Episcopi, translataque huc cum Ecclesia Cathedrali, tum Episcopo-  
rum sede, maxime esse repetenda, facile liquet (77).

Anno 1293 sqq. (adeoque *Magno nostro sedente Epi-*  
*scopo) Savolaxiam atque Careliam imperio subjectas fui-*  
*se Sveonum, supra (p. 126 — 125) docuimus (78): quo*  
*armorum Svecicorum successu, Dioecesin Aboënsim in-*  
*signi auctam fuisse accessione, simul intelligitur. Con-*  
*vertendorum vero Careliorum curam non nostro com-*  
*missam, sed *Petro Arosiensi* fuisse Episcopo, mirum vide-*ri queat; nisi hunc, ut præcipuum fortassis sanctæ expe-**  
*ditionis auctorem, gloriam ejus etiam perfectæ sibi vin-*dicare, zelique sui præclarum hoc edere specimen vo-**  
*luisse, existimes?*

Cæterum lenem hominem atque pacificum *Mag-*  
*num nostrum fuisse, putes. Parum rebus ætatis suæ poli-*ticis (plerumque turbidioribus) se immiscuisse, parciusque**

quam

---

(77) Cfr. p. 172 sq. & *Tidn. utgivne af et Sällskap i Åbo*, a. 1783, N:o 35 p. 273 sq.

(78) Præter auctores ibidem, & apud Nob. LAGERBRING l. c. p. 670 seqq. laudatos, meminit hujus expeditionis etiam *Chronicon ab OL. CELSIO* editum, saepè nobis citatum; ubi tamen annum minus accurate definiri (1297 pro 1293), cæterorum probat monumentorum consensus. Ita autem illud (p. II), sed a secunda manu, habet: *MCCXCVII Ivit exercitus Svecie ad Karellos, & constitutum est ca-*  
*strum Wiborgh, & Kareli fidem sumpserunt,*



quam Collegarum suorum Svecicorum quosdam, (atque ex antecessoribus quoque suis v. g. *Catillum*) consiliis publicis interfusile, videtur. Nomen certe suum in actis eorum temporum vix occurrit (79).

Cum circa hæc tempora Russi, more suo (ac fortassis illatas sibi nuper, Carelica Svecorum expeditione, clades ulturi?) Finlandiam nostram hostiliter invasissent, ac *Tavastiam* in primis, sibi vicinorem, crudeliter vastassent atque perussissent; noster, calamitatis incolarum misertus, partem tributi sibi debiti iis condonasse reperitur: quæ res diuturnam postea inter ipsum ac successores suos, vetera Episcopi jura instaurare nitentes, ab una, & *Tavastos*, hanc concessionem perpetuam fuisse (vel tale debitum sibi nunquam incubuisse) afferentes, ab altera parte, litem peperit. *Quatuor enim Pelles* (*Sciurorum* puto?) aut singulæ familiae *Tavastorum* (*Nökar*), aut singuli viri adulati, qui arcum tendere arque tractare valerent (*Bogaman*) pendere olim Episcopo quotannis debebant: quod onus a primis usque subjugatae hujus provinciæ temporibus impositum iis fuisse viderur. Harum pellium *quartam* illis remissile nostrum constat; qua deinde libertate ad tempora usque *Benedicti* Episcopi, parvum (licet haud quiete) fruebantur. Calamitatis, quam *Tavastiæ* accidisse, ex actis ad hanc pertinentibus litem discimus, Historici nostri nullam faciunt mentionem (80); ac probabile

(79) Literis Indulgentiarum, Monachis Sigtunensibus datis, cum Brynolpho Scarense Episcopo a. 1299 Telgæ subscripsisse, docet WALLINUS *Sigt. flant.* & *ead.* p. 310: Cfr. *Hypomnem. in Chron. Episcopor. Aboënsium* a P. Justen *confignatum*, Disf. Acad. Præf. JO. BILMARK *Aboæ* a. 1771 ab E. Reinh. Bergstadio ed. P. I p. 16.

(80) Vid LAGERBRING de gestis hujus temporis, regnante sc. BIRGERO. (Cfr. l. c. III D. p. 2, &c.,). Neque Russorum scriptores de

bile est, miseros nostros mayores s<sup>e</sup>pius similia expertos esse

hae re quidquam commemorant. Novogrodenses, adjunctis sine dubio Careliis sibi subjectis aut sociis, hujus incursionis suis auctores, verisimile est. Meminit ejus in primis Petrus, Archiepiscopus Upsilonensis, in Litteris de lite supra commemorata datis, quarum itaque subjungimus exemplum: "In nomine Domini Amen. Cum anno Ejusdem "MCCCCXXX quinto, in profecto beati Olaui Regis & martiris, coram "nobis fratre Petro, Dei gratia Archiepiscopo Upsilonensi, in partibus orienta- "libus nostre provincie, videlicet in dyocesi Aboensi visitacionis officium "agentibus, inter venerabilem fratrem nostrum, Dominum Benedictum "Dei gratia Episcopum ibidem, ex una parte, & inhabitatores terre "Tavastie ex altera, super quadam parte decime Episcopalis sue, que "vocatur quarta pellis, varia questio verteretur: nos super hoc verita- "tem diligenter inquirentes, invenimus tam per testimoniales quorun- "dam discretorum litteras, quam per confirmaciones eorundem & a- "lia viva testimonia, quas & que idem Dominus Episcopus pro sua "parte fundanda produxit, sicut alias & s<sup>e</sup>pius coram venerabili pa- "tre Domino Olavo felicis memorie olim Archiepiscopo Upsilonensi, "predecessore nostro, produxerat, predecessores suos ita eandem quartam "pellem sicut alias tres optimis diuinus pro iure debito & levasse; li- "cet unus ipsorum, bone memorie Dominus Magnus, olim Episcopus "ibidem, predicta terra Tavastie per Ruthenos crudeliter devastata, in- "colis ejusdem pia compassione misertus, eos a predicte pellis exhibicio- "ne, de speciali gracia salvoque jure istius & aliorum successorum suorum, "ad tempus supportantes dicitur habuisse: quam graciam tanquam pro ju- "re seruare postea voluerunt. Idecirco Dei nomine invocato peritorumque con- "vocato consilio, prefato Domino Episcopo suisque successoribus sepedictam "quartam pelle adjudicandam fore perpetuo, auctoritate metropolitana "censuimus in hiis scriptis: omnibus & singulis predictam terram inha- "bitantibus firmiter injungentes, quatenus sibi vel suo certo mandato "tam de ista pelle quam de decimis suis, quas Divino & humano iure "ac eciam longeva terre consuetudine levare tenetur, cum integritate "debita, annis satisfacere singulis non omittant. Datum anno, die "& loco supradicto." Testes in hac causa audit*i*, eadem narrant; in- "ter quos complures, litteris hujusmodi subscripti serunt, quas integras "adjecimus; "Cum plerisque in Dyocesi Aboensi constitutis satis constet, "quod jam ad longum tempus, videlicet ad viginti quatuor annos vei "circa, litigatum fuerat super quarta pelle inter venerabiles patres,

esse fata, quorum ad nos nulla tamen memoria pervenit.  
Ante plene perdomitam Careliam atque Savolaxiam, (atque fortassis inter turbas ipsius belli Carelici) hanc Russorum irruptionem contigisse credas? (cfr. supra p. 131 sqq.) Quæ, quo cæterum anno facta sit, non ultra scimus, nisi quod *Magno* sedente Episcopo, (inter annum 1291 & 1308?) evenisse constet; adeoque illa quam Bul-

E e

la-

“Dominos videlicet *Magnum* & *Ragvaldum*. Dei gracia pro tempore  
“Episcopos ecclesie Aboensis, bone memorie, *Benedictumque* ejusdem  
“gracia eidem ecclesie nunc presidentem, ex una parte, & Tavastos ex  
“altera, Dicentes quandoque se dictam quartam pellem nunquam exhibuisse,  
“quandoque autem asserentes dictam pellem per Dominum *Magnum* prefatum,  
“bone memorie, sibi fuisse totaliter relaxatam. Supradictus vero venerabilis Pater Dominus *Benedictus*, sicut & predecessores  
“sui, Episcopi antedicti suis temporibus petiverunt, ita & nunc i-  
“ste petit, sepedictam quartam Pellem sibi reddi, vel *Decimas* de om-  
“nibus per Tavastos prenominatos exhiberi: Tavastis autem dicentibus  
“ad neutrum istorum se teneri. Unde pro veritate dicenda & testimo-  
“nio ferendo veritati nos subscripti super hoc specialiter requisiisti, bo-  
“na fide & salva conscientia testimonium perhibemus in hunc modum:  
“videlicet quod dicta ecclesia Aboensis & eidem ecclesie presidents Epis-  
“copi, qui pro tempore fuerunt, in quieta & pacifica possessione &  
“receptione supra dictæ quarte pellis, a tempore cuius in contrarium  
“non extat memoria, fuerunt inconcussi, quousque venerabilis & memo-  
“ratus pater Dominus *Magnus Episcopus*, ob *devastacionem* & *combu-*  
“*stionem terre Tavastie* a Ruthenis factam, eandem pellem ad tempus  
“ex gracia relaxavit: quo quidem tempore elapsa dictam pellem sibi red-  
“di pecuit, sed minime proficit. Quod nos subscripti, ut supra, sigillis  
“nostris presentibus litteris appositis, testificando protestamur. Scrip-  
“tum anno Domini MCCC tricesimo primo. Ego *Olaus Canonicus*  
“prenominate ecclesie Aboensis, *Johannes Laurencii* Prior Conventus  
“Ordinis Predicatorum, Frater *Johannes Allonis*, ejusdem Conventus.  
“Domini *Eskillus* Curatus Ecclesie *Hatalum*; & *Martinus* Curatus in  
“Haw. Item *Trugilius Spincke*, *Sivechinus de Lundis*, *Ragvaldus*  
“*Joanson*. Item *Petrus Sacerdos Curatus ecclesie de Lund*,” Cfr. *Tidn.*  
utg. af et *Sällskap i Åbo*, 1785, Vib. p. 125 – 129,

la Papæ *Gregorii X* describit (supra p. 127 sqq. commemorata) fuisse recentiorem.

*Praefectos* hujus ætate Episcopi, *Finlandiae* vel toti vel certis ejus fuisse provinciis, (cfr. supra p. 135 sqq.) novimus, primo *WALDEMARUM*, Regis *BIRGERI* fratrem, quem circa a. 1302 in hac dignitate Patruo suo *Benedicto* successisse, constat (81). *Ducem* hunc, (quem tamen nec semper nec totam hanc terram in potestate habuisse constat (82)), *Finlandiae* quicquam emolumenti peperisse, haud scimus; nisi donum quod cum fratre *ERICO* in Testamento suo, *Cœnobio & Templo Aboënsi*, ut multis aliis, promisit, *huc referre* quis voluerit (83). *Tributis autem & exactiōibus* hanc

ut

---

(81) Cfr. *LAGERBRING* l. c. P. III p. 6, & p. 9, not. (2).

(82) Ex *Paetione* inter R. *BIRGERUM* & fratres suos a. 1308 inita, (apud *HADORPHIUM* Bih. til *Biärkda Rått.* p. 1.) docet Nob. *LAGERBRING* l. c. p. 55 & p. 57 not. (1), *Praefectos Regis* tum *arces Finlandiae, Aboënsiem, Tavastburgensem & Wiburgensem*, adeoque totam regionem, sub sua tenuisse potestate. In anni vero 1310 *paetione*, inter eosdem facta, *arx Wiburgensis & Carelia* nominatim Regi tribuntur, reliquis *Finlandiae* partibus Duci *Waldemaro* concessis. Cfr. *LAGERBRING* ib. p. 80 sq; p. 82 not. (4); p. 89, not. (3); p. 109. Difficile est, rationes harum divisionum semper indagare: sæpe tamen videmus, regiones in primis limitaneas *Reges* sibi vindicasse.

(83) *Fratribus Prædicatoribus Aboënsibus* (ut & *Skenningensibus*, &c.) *Duces* dedisse *XX* *Marcas pecuniarum*, *Templis XL*, notum est. Vid. *LAGERBRING* l. c. p. 139. & 356 sq. In *Registro Aboënsi* mentio præterea fit judicij ab eo facti inter *Ragvaldum* Episcopum Aboënsiem & *Tavastos* de lite famosa de *quarta pelle*, cuius supra not. (80) meminimus, quam secundum rationes Episcopi dedisse, reperitur. Qua de re testis quidam edixit: “*Recognosco fide media per presentes, me litteras quas “Dominus Waldemarus, felicis momorie, quondam Dux Svecie, venerabili patri Domino Ragvaldo Dei gracie Episcopo Aboensi, quondam super quartâ pelle contulit, de Svecia ad Tavastos veraciter re-*

ut alias provincias sibi subjectas onerasse, verisimile credas (84).

Deinde Nicolaum Andreæ (Nils Andersson) *Præfectum Finlandiæ a:o 1303* fuisse, ex Regis BIRGERI ad eum litteris discimus, quas post RICH VON DER HARDT edidit JO. ALB. FABRICIUS in *Auctario Diplomatico*, LINDENBROGII *Scriptoribus rer. Germanicar.* *Septentrionalium* adjuncto, p 188. In quibus literis mentio etiam fit Domini Haraldi, quondam *Advocati Regii in Tavastia*. Quæ cæterum (admodum vitiouse editæ, quas itaque in Appendix curatius exscriptas dabis) aperte docent, de *Tavastia* excolenda novisque agris & prædiis (vastarum silvarum loco) augenda, eo jam tempore fuisse laboratum; ac Regem earum etiam provinciarum res, quæ ad Duces fratres suos pertinebant, haud nullam gessisse curam (85).

E e 2

An-

"portasse: in quibus Dominus Waldemarus omnibus ipsis Tavastis, "sub optentu gracie sue, districte demandavit, ut illam quartam pel- "lem, de qua diu fuerat litigatum, ipsi Domino Episcopo redde- "rent & plenarie perhiberent, ipsamque perpetuo adjudicavit sibi "solvi, prout graciam dicti Domini Ducis habere vellent inoffensam. "Has igitur litteras Dominus Eskillus in Hattalum, me presente, co- "ram supradictis Tavastis, in Tavastia legit & earum sentenciam to- "taliter explanavit: que possea a Rutenis in curia episcopalii Kustiu fue- "runt combusse, una cum aliis rebus, videlicet clenodiis & privilegiis "ecclesie Aboensis". Legitur ibid. Fol. 4; quæ totidem fere verbis, ali- us testis, Eskillus ille, Curatus in Hattalum, confirmat, ib. Fol. 5,

(84) Cfr. LAGERBRING l. c. p. 99 sq.

(85) Ducatus enim sui possessione Waldemarum jam gayisum fuisse, ex his verbis Regis concludas: Quare cum fratri carissimo Duci Waldemaro mage proficuum esse dinoscitur, quod terra sua per homines discretos (&) ydoneos excolatur & inhabitetur, quam deferta relinqu-

Anno denique 1306 *Haraldus Torstani* (*Torstensson*) *Præfectum* sese *Finlandiæ* appellat (alium putes quam superiorem illum *Haraldum?*) in litteris, quarum exemplum in *Registro Aboënsi*, Fol. 103 conservatur. (Vid. *Tidn.* utg. af et *Sällskap i Abo* l. c. p. 179 sq.). Quam tamen, cuius nomine rexerit, non constat.

Biennio post, (a. 1308) Episcopum nostrum fato functum esse, narrat *MESSENIUS*; non improbabiliter (86). In cuius anni actis prima fit mentio, (quantum nobis hactenus innotuit) *Arcis Aboënsis*; quamvis antiquiorem esse, non dubitemus. Hoc certum est, in tres quasi provincias, pro *Arcium* munitarum numero, (quibus Reatores illarum præficiebantur, & ad quas tuendas tributa operasque populus conferre debuit), scil. *Aboënsim*, *Tavastburgensem* & *Wiburgensem*, his temporibus *Finlandiæ* fuile distributam (87).

## RAGVALDUS, II.

(jj) Anno 1308 aut 1309 hunc *Magno* successisse, narrat *MESSENIUS* (Sc. T. IX p. 65, T. X p. 13, & T. XV p. 50). *RHYZELIUS* autem, *Episcop.* p. 330, dicit, *postquam Hem-*  
*min-*

---

*tur, volumus & mandamus itaque, quatenus super premissis homines pre-*  
*dictos a modo nullatenus molestare velitis &c.*

(86) Cum ex narratione testium supra commemoratorum dispaleat, litem de quarta pelle, ultimis *Magni* Episcopi annis exortam, anno 1331 ad viginti quatuor annos vel circa continuatam jam fuisse; ac ex mox adducto pateat testimonio (not. (83)), Duecum *Waldemarum*, qui a. 1317 a fratre suo R. *Birgero* captus fuit, sententiam de eadem lite in favorem *Ragvaldi* Episcopi, qui *Magno* nostro successerat, tulisse; hunc inter a. 1307 & 1317 decessisse, liquet.

(87) Cfr supra p. 135 sq.

mingus quidam, primum ele<sup>ct</sup>us & confirmatus, a 1309 aut morte  
aut alio modo locum vacuum reliquisset, nostrum concordibus  
suffragiis ad Episcopale vocatum munus fuisse. Quæ omnia  
unde hauserit, aut quo loco sint habenda, existimare  
nequeo. Anno demum 1312 Stockholmæ ab Archiep.  
Nicolao Catilli consecratum fuisse, porro cum MESSENIO nar-  
rat (Sc. X, p. 13), eodemque anno *Castrum Custoëns*  
(88) a nostro esse conditum; quod tamen non ante a.  
1317 absolutum fuisse, ex Auctoris nostri testimonio con-  
stat.

Diligentiæ suæ in munere Episcopali obeundo, quam  
impense laudat RHYZELIUS (l. c.), nullum præterea docu-  
mentum novimus, nisi quam in lite componenda, de

E e 3 con-

(88) *Cuustense*, pro *Cuustense*, apud MESSENIUM l. c. mendum  
esse Typographicum, facile apparet. Villam vero *Kuisto* jam antea ad  
Episcopum pertinuisse Aboënsin, vel ex literis patet *Magni Episcopi*  
a. 1295 in *Custu* datis, quas supra p. 183 not. attulimus. Cumque ex  
testimoniis pateat nuper laudatis, (p. 214 not. (83)) *Curiam Episco-  
pi Kustu* circa a. 1318 a Ruthenis fuisse captam, qui privilegia ac cle-  
nodia Ecclesiæ Aboënsis ibi exusserunt; parum firmo adhuc munimento  
fuisse septam, credas. Agmen enim prædabundum, quod maritimo ad-  
venisse itinere videtur, (*feria secunda Pentecostes Ecclesiam Aboensem  
spoliaſſe*, Fragi, Palmiskoldianum testatur, quo anni tempore per inte-  
riorum penetrare terram potuisse, hand est verisimile), *Castrum* diligenter  
munitum expugnare valuisse, vix putes; nec *Arcem* cepisse *A-  
boensem* legimus. Adeoque nonnisi *ex ligno*, ut multa iis temporibus sic dicta  
*Caſtra*, Episcopum nostrum adſicasse, existimes: quare *Curiam*, non  
*Arcem*, testes ſæpe commemorati vocant; postea a *Ragvaldi* nostri suc-  
cessoribus ad ſimilem calamitatemi arcendam, diligentius munitam,  
Dubitationem Nob. LAGERBRING (l. c. p. 203) de Arcis hujus adiſi-  
catione, a Regia *Aboensi*, quæ ad Episcopos nunquam pertinuit, di-  
verſiſſimæ, facile tollere licet: & quæ infra dicentur mox diluent. Cfr.  
TUNELD Geogr. Sv. P. V p. 163 & 165 (Ed. V) & RHYZELII Sveog.  
Munitæ p. I & II sq.

contributione cibaria (Matskott) inter Curatos & populum Nylandiæ exorta, adhibuisse supra vidimus (89).

Suo tempore, a. 1316, edictum R. BIRGERI datum fuisse reperimus, pro liberate foeminarum tuenda, quas *Carelii*, communi gentium barbararum more, servarum instar omnes habuisse ac tractasse, hactenus videntur (90): reliquis Finlandiæ incolis ad mitiores sine dubio mores jam tum adductis.

Non multo post, anno videlicet 1318, Russos Finlandiam primo vere invadentes, gravi clade affixisse, urbemque inprimis Aboënum, Templum Cathedrale, & villam Episcopalem *Kuustö* incendio vastasse, atque *Clenodia Ecclesiæ plurima*, omnia ejus privilegia, multaque alia monumenta concremasse, Auctori nostro suffragantes plures testes affirmant (91). De qua igitur irruptione dubium

---

(89) Cfr. supra p. 192, not. (56). Ad illustrandam hujus tributæ indolem, pertinet Statutum R. BIRGERI pro *Helsingis*, de eorum Decimis &c. a. 1297, tertio Idus *Julii* scriptum, in Appendice ad Vet. Jus Munic. (*Biärkda-Rått*) ab HADOPHIO editum, p. 7; ubi legitur *Exhibitio cibariorum quæ dicitur Matskutt*, ter in anno fiat singulis vicibus, de uno pane & edulio, id est Lef & *Lessowäll*. Variam autem in variis provinciis ejus fuisse pendendi rationem, constat.

(90) Durius apud Fennos feminas olim habitas, atque venditas maritis fuisse, supra jam docuimus p. 69 sq. Quem morem apud plerasque nationes barbaras Fennici generis, Russis jam subiectas, hodieque vigere ex editis *Itinerariis Academicorum Petropolitanorum* qui Russiæ provincias non ita pridem peragrarunt, satis discimus; quorum loca supra, p. 72 sqq. excitavimus.

(91) *Fragm. Palmkoldianum*, in vita hujus Episcopi *Ragvaldi* habet; *Ecclesia Aboënsis a Ruthenis spoliatur*, fer. 2 pentecostes, anno (numeri notæ desunt). Cfr. *Testimonia* supra p. 212 not. (80) & p. 214 not. (83) adducta. Neque opus est, cum MESSENIO, inimicis R. BIRGE-

um suboriri nullum Historicis nostris debuit; quam hoc anno vere contigisse, non MESSENIUS tantum, sed Chronicci maxime nostri auctoritate demonstrari luculenter posse, videmus (92).

Inter eventus hujus ætatis Fennis tristissimos, merito numerari seditio deberet a *Buggone* quodam excitata, de qua multa habet MESSENIUS (93); nisi jam dudum viri perspicacissimi docuissent, in Smolandia, non in nostra Finlandia, contigisse (94): cui igitur rebellioni varias a MESSENIO lacinias temere adsutas, ægre feras (95).

### Quo

RI consiliis hunc Russorum impetum tribuere, qui ad tales sponte suscipiendas expeditiones, ut & præcedentium & subsequentium temporum monumenta docent, satis proni erant. Silentium autem inopis, quæ quidem hactenus innotuit, Historiæ horum temporum Russicæ, parum momenti trahit. Nec verisimile est, opera pretium judicasse homines, piraticarum omnium hujusmodi expeditionum memoriam posteritati prodere. MESSENIUM autem, qui in *Scandia* (T. X p. 14) modeste, nostrum fecutus, Russorum hanc attigit irruptionem, variis eam in *Chronico Rhythm. Finl.* p. 27 circumstantiis augentem, non moramus: cujus mox verba adferemus ac infirmabimus.

(92) Vid. quæ habet LAGERBRING l. c. p. 149 sq. Cfr. verop. 301.

(93) *Scand.* II, p. 90; X, p. 13. *Chron. Rhythm. Finl.* p. 26.

(94) Cfr. LAGERBRING III p. 92 sq, not. (3) & (4), & quos laudat testes. Verisimile est, in *Finvedia* maxime, rebellem hunc turbas movisse, quam regionem *Finlandiæ* aliquando nomine in veteribus monumentis appellari novimus, quali aliquo loco deceptum fuisse MESSENIUM, putamus.

(95) Sic Sc. X p. 13 dicit "MCCCCXIII Finones Svetico, velut "intolerabili excusso jugo, Buggonem [nomen non modo non Fenni- "cum, sed quod neque efferre Fenni valent] quendam, ex prisco suo- "rum pro/apia Regum [quales nulli unquam fuerunt] eligunt Regem; "qui mox a Svecis trucidatus fuit, & rebelles ad obedientiam compulsi,"

Quo tempore Ecclesiæ Fennicæ noster præfuit *Ragvaldus*,  
terræ populiæ res civiles militaresque administrasse repe-  
rimus

*Scondiæ autem suæ T. II p. 50* aliam causam addit rebellionis Fin-  
landorum, *infustas nempe exactiones*. Maxime autem in *Chronico Rhythm.* Finlandiæ ingenio habenas laxat, ubi & aliis eventis, ad hanc  
causam non pertinentibus innectit, & fictis auget circumstantiis, ita  
eancens;

Jag har läst i en annan bok,  
Att Finnar wid det Swenska ok  
Nu wore ledsva, och en man  
Walde til Kung, Buggo het han;  
Af deras gamle Furste-Ått,  
Mente sig dertil hafwa råt.  
Doch af Kung Birger det Upror,  
Blef strart dåmpat utan macht stor.  
Buggo med sit anhang sleg död,  
Sinnar blefwo wid förra nöd,  
Och gjorde deraf mycket gny.  
Om hjälp til Ryssen några fly;  
Den Finland åstundar igen,  
Ty var hans Krigsmagt icke seu,  
Efter han den tråtan hörde  
Kung Birger och hans Bröder förde;  
Låts hålla med den ena part,  
Föll in efter sin gamla art, (1318)  
Gdr skada med mord och brand,  
Så väl til föds såsom til land,  
Abo Kyrkior med Stad i händer  
Och Rendameki han upbränder;  
Matts Kettemundsson det infall  
Häminas sā Ryssen än minnas stall.

Quæ cujus commatis sint, facile videre licet!